

The Electronic Manipulus florum

www.manipulusflorum.com

Passio al cum fonte primo

Scio quod merita mea michi non
sufficiunt
quod michi deest audacter usurpo ex
uisceribus Christi que
misericordia affluunt nec desunt
foramina per que defluant.

Patet enim archanum cordis per
foramina corporis;

patent uiscera misericordie Dei
nostri in quibus uisitauit nos oriens
ex alto.

Bernardus in quodam sermone.

Ego vero fidenter
quod ex me mihi deest, usurpo mihi ex
visceribus Domini, quoniam
misericordia affluunt, nec desunt
foramina, per quae effluant.

Foderunt manus eius et pedes, latusque
lancea forauerunt, et per has rimas licet
mihi sugere mel de petra, oleumque de
saxo durissimo, id est gustare et videre
quoniam suavis est Dominus. Cogitabat
cogitationes pacis, et ego nesciebam.

QUIS ENIM COGNOUIT SENSUM DOMINI,
AUT QUIS CONSILIARIUS EIUS FUIT? At
clavis reserans clauus penetrans factus
est mihi, ut videam voluntatem Domini.
Quidni videam per foramen? Clamat
clauus, clamat vulnus, quod vere Deus
sit in Christo mundum reconcilians sibi.
FERRUM PERTRANSIIT ANIMAM EIUS, ET
APPROPINQUAVIT COR ILLIUS, ut non iam
non sciat compati infirmitatibus meis.

Patet archanum cordis per
foramina corporis,
patet magnum illud pietatis
sacramentum,
patent VISCERA MISERICORDIAE DEI
NOSTRI, IN QUIBUS VISITAVIT NOS ORIENS
EX ALTO (Luc. 1:78).

Bernardus Claraeuallensis, *Sermones
super Cantica canticorum*, 61, 4 (SBO 2,
J. Leclercq, C.H. Talbot, H.M. Rochais
eds., pp.150-1, ll.19-29, 1-2).